

## WAHDAH PEMANGKIN KHAIRA UMMAH

Saban tahun, negara kita sentiasa menganjurkan Sambutan Maulidur Rasul. Universiti Malaysia Sabah tidak ketinggalan untuk turut mengadakan program sambutan Maulidur Rasul peringkat UMS pada 27 Mac 2009 yang lalu bersamaan dengan Rabiulawal 1429 Hijriah. Perarakan Maulidur Rasul telah diadakan dengan meriahnya bermula dari Masjid UMS ke Dewan Canselor. Pasukan dari SPU tidak ketinggalan bersama-sama menyertai perarakan tersebut. Pada tahun ini, terdapat pembaharuan bagi Sekolah Perubatan apabila mengenakan jaket khas. Seramai 45 orang wakil dari SPU yang menyertai perarakan ini. Mereka tampak segar dan bergaya dengan mengenakan jaket baru tersebut. Walaupun letih berarak, senyuman tetap terpamer di wajah masing-masing. Sambutan ini telah dikongsi bersama oleh semua warga UMS. Semoga dengan sambutan ini, kita dapat memperingati serta mengenang kembali sirah dan perjuangan Rasullullah S.A.W.

